



Broj: 05.10-04-16785-1/26  
Sarajevo, 16.04.2026. godine

**Općina Vogošća**  
**n/r načelnik općine**  
**Jošanička br. 80**  
**71320 Vogošća**

**Predmet: Odgovor na vijećničku inicijativu Pašić Edina (br.16/13) - dostavlja se**

**Veza: vaš akt broj: 07-19-sl/26 od 08.04.2026. godine**

Poštovani,

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je vaš akt broj: 07-19-sl/26 od 08.04.2026. godine sa zastupničkom inicijativom, vijećnika Općinskog vijeća Vogošća Pašić, Edina upućenoj *Vladi Kantona Sarajevo i nadležnom ministarstvu da učine dodatne napore, te obezbijede uredno snadbijevanje toplotnom energijom za sve korisnike usluga BAGS Energotehnika, a sve u skladu sa preuzetim obavezama te odredbama Zakona o komunalnim djelatnostima Kantona Sarajevo i Uredbom o opštim uslovima za proizvodnje, isporuku i korištenje toplotne energije Kantona Sarajevo.*

Cijeneći inicijativu uvaženog vijećnika Općinskog vijeća Vogošća izlišnom, dostavljamo informaciju o konkretnim mjerama i aktivnostima Vlade Kantona Sarajevo i resornog Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo poduzetim u cilju obezbjeđenja kontinuirane isporuke toplotne energije korisnicima sistema daljinskog grijanja privrednog društva BAGS Energotehnika d.d. Vogošća odnosno građanima u objektima kolektivnog stanovanja, te javnim ustanovama u Općini Vogošća tokom protekle sezone grijanja 2025/2026. godine.

Informacijom o spremnosti za sezonu grijanja 2025./2026. godine Uprava privrednog društva BAGS Energotehnika d.d. Vogošća je dana 17.09.2025. godine obavijestila Vladu Kantona Sarajevo i Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo da se spremnost sistema za proizvodnju i isporuku toplotne energije očekuje od 05.10.2025. godine, ali da zbog nedostatka finansijskih sredstava nije u mogućnosti iz sopstvenih sredstava u potpunosti finansirati nabavku energenta (ulje za loženje) za potrebe proizvodnje i isporuke toplotne energije u predstojećoj sezoni grijanja.

U cilju sprječavanja opasnosti od nastanka šteta po život, zdravlje i rad fizičkih i pravnih lica, odnosno sprječavanja nastanka značajne štete uzrokovane neisporukom toplotne energije od strane privrednog društva BAGS Energotehnika d.d. Vogošća stanovnicima i javnim ustanovama općine Vogošća, ovo ministarstvo je provelo aktivnosti na obezbjeđenju finansijskih sredstava iz Budžeta Kantona Sarajevo za nabavku energenta za sezonu grijanja 2025/2026. godine, te je kao podršku privrednom društvu BAGS Energotehnika d.d. Vogošća za nabavku energenta za proizvodnju toplotne energije za potrebe stanovnika i javnih ustanova u Vogošći iz sredstava Budžeta Kantona Sarajevo obezbjedilo iznos od 1.700.000 KM za nabavku energenta u ukupnoj količini od 1078 tona koje je preduzeće u svoje skladište zaprimilo u periodu od 10.10.2025. do 01.04.2026. godine.

Pored toga, ovo ministarstvo je u tekućoj sezoni grijanja, u periodu oktobar 2025. - 31.03.2026. godine obezbjedilo dodatna finansijska sredstva u ukupnom iznosu od 900.000 KM za izmirenje dospjelih obaveza privrednog društva BAGS Energotehnika d.d. Vogošća za energent utrošen u prethodnoj sezoni grijanja jer Uprava društva nije izmirila svoje finansijske obaveze prema ugovorima potpisanim sa dobavljačima, niti obavezu vraćanja pozajmica Direkciji za robne rezerve Kantona Sarajevo.

Kao što vam je poznato, privredno društvo BAGS Energotehnika d.d. Vogošća uslugu proizvodnje i isporuke toplotne energije pruža stanovništvu i javnim ustanovama odnosno korisnicima u urbanom dijelu Vogošće kao komunalnu uslugu odnosno djelatnost od javnog interesa za Kanton Sarajevo.

Osim toga, privredno društvo BAGS Energotehnika d.d. Vogošća uslugu proizvodnje i isporuke toplotne energije pruža i korisnicima u industrijskoj zoni Vogošća na osnovu komercijalnih ugovora po cijeni usluge koje formira slobodno, prema tržišnim uslovima, te je u skladu s tim energent za potrebe komercijalnih korisnika dužno finansirati iz sopstvenog prihoda ostvarenog po tom osnovu.

Prema ovom ministarstvu dostavljenim izvještajima o zaprimljenim količinama goriva, proizvodnji i isporuci toplotne energije Uprava BAGS Energotehnika u proteklom periodu trajanja sezone grijanja 2025/2026. godine nije dobavljala gorivo za potrebe komercijalnih korisnika u industrijskoj zoni Vogošća.

Uvidom u izvještaje dostavljene ovom ministarstvu za period od 10.10.2025. godine do 31.03.2026. godine utvrđeno je da je gorivo finansirano iz sredstava Budžeta Kantona Sarajevo po osnovu sporazuma o sufinansiranju sa privrednim društvom BAGS Energotehnika d.d. Vogošća, kao i gorivo isporučeno iz skladišta Direkcije za robne rezerve KS za potrebe proizvodnje i isporuke toplotne energije stanovnicima Vogošće i javnim ustanovama u Vogošći tokom protekle sezone grijanja nenamjenski korišteno i za potrebe pružanja usluge komercijalnim korisnicima u industrijskoj zoni i to u količini od najmanje 243 tone odnosno 23% od ukupne količine od 1078 tona goriva obezbjeđene za potrebe stanovništva i javnih ustanova u Općini Vogošća.

Nenamjenski utrošak energenta potvrđen je u "Informaciji o provedenom inspekcijском nadzoru, broj:08-06-11-2086/26" od 20.02.2026.godine Budžetskog inspektorata Ministarstva finansija Kantona Sarajevo, zatim "Izveštajem Stručnog tijela Vlade Kantona Sarajevo o analizi rada sistema grijanja i utroška energenata BAGS Energotehnika d.d. Vogošća za sezonu 2025/2026." od 05.03.2026. godine i "Izveštajem komisije resornog ministarstva formirane po Zaključku Vlade Kantona Sarajevo od 15.01.2026. godine" od 06.03.2026. godine sa zadatkom praćenja realizacije pozajmice iz skladišta Direkcije za robne rezerve Kantona Sarajevo.

Nenamjenski i neopravdan, utrošak goriva obezbjeđenog sredstvima Budžeta Kantona Sarajevo za potrebe građana i javnih ustanova u Vogošći, te propuštanje bivše Uprave društva da izvrši nabavku goriva za potrebe korisnika s kojim ima komercijalne ugovore je tokom protekle sezone grijanja u više navrata za posljedicu imao krizne situacije, odnosno sniženje kvaliteta isporučene toplotne energije, i u nekoliko navrata, potpun prekid isporuke toplotne energije zbog nedostatka energenta

zbog čega je ovo ministarstvo moralo dodatno reagovati obezbjeđenjem novih količina kako bi se spriječilo ugrožavanje zdravlja korisnika, zaštitio termotehnički sistem kojim upravlja BAGS Energotehnika d.d. Vogošća i osigurao kontinuitet pružanja usluge do kraja sezone grijanja, odnosno do 15.04. tekuće godine.

S poštovanjem

redu i

Prilozi: navedeni.

Dostaviti:

1. Naslovu,
2. Općinsko vijeće Vogošća, Pašić Edin, Još
3. Evidencija,
4. Arhiva.

